

中西醫學叢書之三

中西
合纂
幼科大全

上海大東書局發行

中西合集 幼科大全卷五

積滯吐瀉門

一 食積

【中醫學說】小兒宿食不消者胃納水穀而脾化之。兒幼不知搏節胃之所納脾氣不足以勝之故不消也。神麴麥芽之屬皆腐化之物昔賢已謂能傷胃中生發之氣矣。況進而三稜莪朮乎。況又進而牽牛大黃巴豆乎。脾氣一受傷於食再受傷於藥至於下之而氣已一脫矣。所存幾何。故夫起食之藥不可多用。下積之藥尤不可不審其證之可下與不得不下而後用也。錢氏論食不消脾胃冷故不能消化當補脾益黃散主之。小兒食積者因脾胃虛寒乳食不化久而成積其證至夜發熱天明復涼腹痛膨脹嘔吐吞酸足冷肚熱喜睡神昏大便酸臭是也。有前證而兼寒熱者名曰食積寒熱若食在胃之上口者吐之胃之下口者消之腹痛痞脹按之益痛者下之下後仍痛按之則止者補之夾食傷寒者先散之用參蘇飲熱甚便秘者先利之用大柴胡湯如無外感但只傷食不至於甚保和丸調之若手足病冷喜熱飲食

此脾藏虛寒也宜溫之大便欲去不去脾氣下陷也宜升之若夜間或侵晨泄瀉者脾虛也宜用四神丸手足並熱作渴飲水者脾胃食熱也用瀉黃散大便便秘結用大柴胡湯手足雖熱口不作渴大便不實者用白朮丸痞者塞也結者實也熱氣蘊於膈胸之間留飲聚於腹脇之內於是榮衛不能流行臟府不能宣通由脹滿而致痞結勢使然耳此熱實之證也時或發為壯熱甘遂散主之但此藥治小兒痞結雖服湯藥時暫得利而滯實不去心下堅脹按之即啼內有伏熱諸候并成此疾宜疎利大便秘結散氣若痞癰既久飲食減少脾氣必虛久而不愈必先以固胃氣為主養正則積自除若欲直攻其結不惟不能善消抑亦損脾脾虧則變證百出矣當參各類及隨見證而主治之小兒五積為藏氣不行蓄積一處不動故曰積夫心為伏梁在膈上上攻其心下攻胃口脾為痞氣在胃口上橫之肝為肥氣在膈之左邊肺為息賁在膈之右畔腎為賁豚在膈下各有變動非食之所成乃氣積也藏屬陰故在一處而不動也聚謂六府之氣留聚也府屬陽陽氣運轉不停故其聚不定一處發而腹痛積聚之候皆面黃瘦劣噉

噤不生肌肉。髮立或肌體浮腫。腹急多困。為水氣其
因驚中虛積者。所下糞青穢。凡虛中有積者。因傷食
而瀉。又吐。如此漸虛。其病未瘥。故曰虛積也。又虛中
之積。有積而頻頻取轉。却取轉不著。致其積尚伏。故
亦曰虛中積。若驚積取下。則糞隨驚青。如是食積。即
糞成塊。凡疳中虛積者。因疳病轉瀉。虛而疳不退。故
虛中爾。所取下糞。裏白色也。又凡嬰兒所患積證。皆
因乳哺不節。過餐生冷堅硬之物。脾胃不能消化。積
停中脘。外為風寒所襲。或因夜臥失蓋。致頭疼面黃。
身熱。眼胞微腫。腹痛。膨脹足冷。肚熱。喜睡。神昏。飲食
不思。或嘔或噦。口噤。酸氣大便酸臭。此為陳積所傷。
如覺一二日。先以百傷飲發表。次當歸散水薑煎服。
溫動積滯。方下烏犀丸。六聖丸。重與寬利。後用勻氣
散調補。凡有積滯。須辨虛實。況孩兒虛瘦。長短黑
白。南北古今不同。不可一概論也。予今之法。實者可
服進食丸。虛而微白及疳瘦者。宜服肥兒丸。食積
初患。元氣未損之時。或腹脹作痛。大小便不利者。先
用白餅子。或木香檳榔丸下之。後以白朮散。或五
味異功散。和之。渴加乾葛。吐加半夏。下而熱不退。或
作嘔。作瀉。飲食不思。此脾胃俱傷也。用六君子湯。手

足指冷。喜飲熱湯。此脾胃虛寒也。前方加炮薑木香。
面色黃白。目無精光。脾肺俱虛也。用四君子加柴胡。
升麻。腹痛泄利。下重。或小便不利者。用四逆散。發熱
晡熱。或瀉未已。脾氣下陷也。潮熱口渴。大便不調。欲
變疳證也。並用補中益氣湯。佐以肥兒丸。經云。邪之
所湊。其氣必虛。留而不去。其病乃實。必以調脾為主。
而以消導佐之。古人所謂養正積自除。正此意也。
乳積之候。但吐乳有酸臭。氣因啼叫未已。遽與乳喫。
停滯不化而得。先用丁香散調胃。後下牛黃丸。取下
爛積。後下勻氣散。常服健脾散。即愈。聖惠論乳癖。其
候面色青黃。發散壯熱。吐乳多睡。口內生瘡。漸漸黃
瘦。腹內結塊不散。由乳母食飲無常。醉飽過度而得。
氣積之候。面色黃白。不進食。腹痛。天矯啼叫。利如蟹
渤。此因榮衛不和。二氣乖忤。日久得之。用萬靈丸。勻
氣散。健脾散。相間調理。脾積之候。面黃如土。色或帶
虛浮。臍上微痛。肚皮熱。飲食減少。纔食便言。臍上及
腹中痛。所食不化。頭微熱。此因先食硬物。或冷物。所
傷。先下青金丸。取下脾中積。後用勻氣散。腥脾散。調
理。常服健脾散。萬靈丸。即愈。驚積之候。時泄清水。如
生米汁。是因受傷而復有積。煩悶啾唧。常以生嗔名。

為驚積。先解驚。後理積。解驚五苓散。或百解散。理積三稜散。或烏犀丸。及三解散。炒神麴。生薑煎湯調理。醒脾散。沈香檳榔丸。甯驚化積壯氣和胃。仍節冷乳。自然平治。虛積之候。全身微熱。不思飲食。昏昧神緩。抱著一似睡未覺。肚熱足冷。多因吐瀉大病及攻擊之後而得。先用青金丸取積。後用勻氣散。醒脾散調理。常服萬靈丸。保童丸。即愈。積痛之候。口中氣溫。面色黃白。目無精光。或白睛多。及多睡畏食。或大便酸臭者。當磨積而痛自除。宜下積丸。甚者白餅子下之。後和胃氣。用白朮散。小沈香丸。感應丸治之。又有食積肚痛有熱者。芍藥甘草湯加乾葛吐者。加半夏。生薑。或加枳實。亦效。小兒生下五個月上至七歲有結癖在腹成塊。如梅核大來去。或似卵大。常叫疼痛者。亦分數類。在左脇下痛者。名瘕氣。在右脇下痛者。名癖氣。下蓬莪朮散。夾健脾飲與服。即愈。如見面黑。眼直視。瀉黑血。鼻口冷。手足冷。不進食者。死。錢氏論小兒病癖。由乳食不消。伏在腹中。乍涼乍熱。飲水或喘咳。與潮熱相類。不早治。必成疳。以其有癖。故令兒不食。致脾胃虛而熱發。故引飲過多。即蕩滌脾胃。胃失津液。胃不能傳化水穀。其脈沈細。益不食。脾胃虛。

衰四肢不舉。諸邪遂生。鮮不瘦而成疳矣。仁齋曰。癖者血膜包水。側僻於脇旁。時時作痛也。惟癖為能發潮。為能生寒熱。故瘧家中脫多畜黃水。日久而復結。癖寒熱不已。小兒藏府和平。榮衛調暢。則津液自然流通。縱使多飲水漿。不能為病。惟乳哺失調。三焦關隔。以致水飲停滯。腸胃不能宣通。如冷氣搏之。則結聚而成癖。輕者用積滯木香丸。重者用取癖丸。曹氏曰。嬰兒始生。稟賦未完。失於襁褓。之不謹。乳哺之不能。起化結成癖。塊突於脇下。或左或右。俗曰龜癆。其疾皆因積滯。蘊作致有寒熱。或腹肚疼痛。或晝涼夜熱。治療之法。氣實者亦須溫。正胃氣。後用烏犀丸。或水晶丹下之。如過二三次。即以稀粥略止。候所作形證消盡。方投補益之劑。氣虛者先與調脾胃。固真元。神色稍正。飲食進多。如前法下之。若太虛。甚用三稜散。化癖丸。漸消之。順適陰陽。以平為期。然先補後瀉。行迎奪之法。則取去陳寒。冷積若面黃唇白。髮豎肌瘦。乃為虛極。不可輕下。但徐徐用藥。消化調理。為上。若兒小者。更令乳母常服藿香飲。使藥從乳過。亦少助也。小兒有積滯。面目黃腫。肚熱脹痛。覆睡多困。

酷啼不食。或大腸閉澀。小便如油。或便利無禁。糞白酸臭。此宿食不消。脾胃冷故也。小兒乳哺飲食取冷過度。冷氣積於脾胃。胃為水穀之海。脾氣磨而消之。胃氣調和。則乳哺消化。脾傷於冷。則宿食不消。脈沈者。傷食不化故也。亦有傷乳傷食。而身熱者。惟肚腹之熱尤甚。人之傷積肚熱。糞極臭酸。而夜間有熱。傷積之明驗。人所未曉也。冷者消食丸。木香丸。夜間有熱。天明復涼。乃是傷寒夾食失解故也。當服白餅子。先與微利。次與參蘇飲。發熱。地骨皮飲。秦艽散。退熱而安。有實熱者。大柴胡湯。去大黃。亦可服。傷寒論人病有宿食。寸口脈浮而大。按之反澀。當下之。宜大承氣湯。其喘而熱發者。紫霜丸主之。冷證用進食丸尤佳。亦治食厥。乃四肢逆冷。面色青黑是也。或當吐而甦。有痰者。溫膽湯加減。服痰定而嘔。自痊。冷證丁香丸可服。白餅子下痰亦可。胃氣不和。面光白。無精光。口中氣冷。不思食。吐水肌瘦。虛弱腹痛。當補脾益黃散主之。凡人以胃氣為本。惟治病亦然。胃氣有實。有虛實者。則有痞滿內熱之證。虛則有嘔吐不食之證。虛者益之。實者損之。得其平則可矣。平胃散。觀音散。銀白散。壯胃之劑。不可缺也。傷食宜以藥下之。

者當詳其所傷何物。生硬寒熱不等。不可遽用巴豆之類。大毒之藥下之。升麻葛根湯。惺惺散。小柴胡湯。俱佳。胃為水穀之海。六腑之大源也。人身氣血腑臟。俱由胃氣而生。故東垣之法。一以脾胃為主。所謂補腎不若補脾。正此意也。在小兒雖得乳食水穀之氣未全。尤仗胃氣。胃氣一虛。則四臟俱失所養矣。故丹溪謂小兒多肝脾之疾也。若面色晃白。目無精光。口中氣冷。不食吐水。肌瘦腹疼。此胃氣虛寒之證。用五味異功散。或六君子湯主之。若大便不實。兼脾虛也。加乾薑溫之中。滿不利。脾不運也。加木香開之。喜冷便秘。胃實熱也。用瀉黃散涼之。命門火衰不能生土者。用八味丸補之。稟賦胃氣不足。亦用此丸。蓋下焦真陽充盛。則上生脾元。自能溫蒸水穀矣。脾胃為五臟之根本。脾氣既弱。則健運之令不行。化生之功已失。嗜卧多困。所由生焉。法當溫補其脾。脾氣既旺。則腑臟清陽之氣升舉。易於運行。又何困倦之有。海藏用四君子加木香砂仁。半夏白朮倍之。薑棗煎服。誠良法也。若脾虛好睡多驚。則是心血虛而火動之宜。安神養血。若因心脾氣虛有痰者。宜用人參五味子茯苓以補心氣。當歸芍藥酸棗仁以養心血。橘

紅半夏以開痰。若因脾肺氣虛胸膈有痰，用補中益氣湯以健脾胃。膽星、天竺、九以化痰涎。若因飲食停滯而作，用四君子湯以益脾。山楂、神麴以消飲食。若因脾虛而好睡，用五味異功散以補脾氣。當歸、芍藥以生脾血。芍藥須用酒拌炒黃，不則酸寒傷脾。此假熱以對假寒也。若乳母飲酒致兒昏醉好睡者，以乾薑、陳皮煎湯解之，不應用異功散加乾薑，即愈矣。又脾胃不和，四君子加白朮一倍。薑棗煎脾困。四君子加木香、砂仁、人參各半錢煎。脾胃虛弱生氣多困。四君子加炒半夏、麴沒石子等分為末，入冬瓜子少許同煎。乳滯之兒，其候睡卧不寧，不時啼叫，口中氣熱，頻吐乳片，腹脹而熱，大便酸臭，但乳兒臍滿嬌嫩，不可過攻。惟宜調和脾胃為上，以消乳丸消導之。其稍成長之小兒，恣意肥甘生冷，不能運化，則腸胃停積而生食滯矣。其證頭溫腹熱，大便酸臭，噯氣惡食，煩不安眠，口乾作渴，滯輕者宜木香大安丸消導之。滯重便秘者宜小承氣湯攻下之。

【西醫學說】乳兒之消化不良，症因胃液之分泌不足而來。凡屢次授乳與授乳過久，皆足為其原因。其症候有三：一曰胃消化不良，二曰腸消化不良，三

曰胃腸消化不良。胃消化不良者，食乳之後忽然嘔吐，並時作惡，全身不穩，四肢厥冷，面色蒼白，皆其特徵也。如一二日尚不消退，必續發腸消化不良，而為胃腸消化不良。腸消化不良者，排便狀如糜粥，色黃而雜以綠白，絕類攪碎之雞蛋，一晝夜內多至五次。腹中鼓脹，且發痼痛，其時兒必高聲啼泣，旋則屈其兩膝引至腹部。此鼓脹與腹痛二者，以夜間及食後為最多。此亦其特徵也。若胃腸消化不良，則兼兩者而有之矣。苟於初起之時，即留意養生之法，則治愈頗速。否則遷延日久，頑固難治。如在夏日，且不免變為霍亂，是不可不慎也。治法以食物攝生為第一。減少授乳之時間，與其次數，自不致罹此症也。急性之消化不良，宜但投以鹽酸，或與百弗聖並用，亦得。吐出之物及大便秘性甚著者，宜進亞爾加里劑。腹痛則於腹部行冷罨法，或以加密列漿灌腸。內服藥中以阿片為最佳。成長小兒之胃加答兒亦分急慢兩種。急性症之原因，為過食油膩，或食堅硬難消化之物，或啖未熟之果實，或食他種物而過其分量等。他如感冒及流行性諸病，亦不免受其影響。慢性症大都為急性所轉變，而腺病、貧血等症亦足以致之。

此病之最輕者不過嘔吐一次即便如常重者體每發熱體溫高至四十度上下頭痛劇烈全身倦怠食思缺乏口發惡臭煩渴特甚舌被厚苔胃窩壓痛嘔吐頻頻此時苟留意飲食或投輕瀉藥不過二三日身即退熱漸漸向愈其來勢稍緩者謂之亞急性症其主要症候為食慾缺損全身疲倦舌被厚苔有熱不甚結膜發高頭部胃窩並發疼痛約十日或十二日而消退倘係慢性症則經過之時日頗長其主要症候為食思缺乏舌被厚苔口發惡臭胃窩疼痛更兼飽膨大便時而秘結時而下利病兒面色蒼白容貌異常或來腺病佝僂病等之症狀但不發熱不作嘔如嘔則病勢必危困矣治法首須留意於食物衛生作嘔者可令含鹽小冰塊或冰水少許內服宜輕瀉藥慢性症之食物衛生雖不妨稍稍寬縱然亦宜少食就中如油膩最犯禁忌

【中國醫方】保和丸 治飲食停滯胸膈痞滿噯氣

吞酸或吐瀉腹痛

神麴炒 山查 半夏 茯苓 陳皮 連翹

蘿蔔子錢炒五 右為末粥丸桐子大每服三

十丸白湯送下若加白朮一兩即名大安丸

木香大安丸

木香 黃連 陳皮 白朮錢各三 枳實 山查

肉 萊服子炒 連翹 神麴炒 麥蘖炒 砂

仁錢各半 右為末神麴糊為丸陳廩米湯下

消食丸 一名消乳丸治宿食不消

砂仁 陳皮炒 三稜炒 神麴炒 麥芽炒各

香附兩炒一 右末麴糊丸如麻子大食後白湯

送下大小加減

七聖丸

三稜 蓬朮 川棟 青皮 陳皮 芫花 杏

仁 右等分先用醋浸芫花一宿炒漸乾次入蓬

朮同炒赤色又入陳棟等再同炒一處令微焦取

出為末前藥如各半兩杏仁亦用半兩湯浸去皮

尖雙仁不用細研入巴豆二十粒去油和勻醋糊

丸如黍米大一歲兒常服二丸臨卧溫熱湯送下

使日間所餐之物一夜而化永無疳疾小兒可去

巴豆祇入杏仁名七聖丸

三稜散 主治諸般停滯疳積發熱瀉痢酸醃水穀

不化常服和脾胃進飲食長肌肉益神氣 人參錢去蘆七 三稜炮剉 淨香附各一兩半 青皮

去白 益智仁 陳皮去白 枳殼去穢炒神

麵炒 穀芽洗焙 半夏製 莪朮乾薑透焙

大黃半生 紫蘇去老梗 甘草一兩半 煎七分無

碎每服二錢水一盞薑三片倉米百粒煎七分無

時溫服氣虛者加白茯苓一兩

莪朮丸 和脾益胃消進飲食寬隔快氣悅色清神

莪朮炮制 三稜炮制 淨香附三味各四兩 醋浸七日慢火

再焙 檳榔一兩 生牽牛末另研 青木香去蘆

穀芽淨洗 青皮半兩 華澄茄 丁香

南木香錢四 右除檳榔丁香木香不過火及牽

牛末餘七味對焙仍同檳榔木香為末臨入牽牛

末和勻水煮麪糊丸綠豆大每服三十丸至五十

丸無時用淡薑湯下溫茶溫酒皆好兒小者丸粟

米大粒數下法如前

丁香脾積丸

三稜煨去毛 莪朮炒去皮 神麪炒七錢 青皮 巴

豆霜 小茴香炒 陳皮錢各五 丁香 木香三各

錢 右為細末醋調神麪糊為丸如綠豆大每服

五七丸生薑湯下

三黃枳朮丸 治傷肉濕麪辛辣味厚之物致填塞

悶亂不快 枳實炒 黃連酒浸 大黃濕紙 白朮各一

黃芩五錢 右為末湯浸蒸餅為丸如綠豆大

每服五十丸白湯下臨時量所傷多少加減服

之

訶梨勒散 治小兒宿食不化少欲飲食四肢消瘦

腹脇多脹 訶梨勒皮三分 人參 白朮 麥蘖炒令

橘皮去白 檳榔各半 甘草一分炙 右藥搗

粗羅為散每服一錢以水一小盞煎至五分去滓

量兒大小分減溫服日四五服

木香丸 治小兒氣開胃進食

木香 人參 白茯苓 青皮 陳皮 肉豆蔻

各一 三稜炮 右為末麪糊丸麻子大每服

十丸薑湯下

洗心散 治小兒乳食傷心作壯熱喘息不調咳嗽

多睡 甘草一錢 麥門冬一分 皂角半兩入沙糖

蓋良久出 右爛杵不羅每服二錢水一盞煎至

八分作五服時時進

養脾丸

人參 白朮 當歸 川芎 各一錢半 木香 青皮

黃連 陳皮 各一錢 砂仁 山查肉 神麴 炒

麥芽 炒各五分 右為細末水調神麴糊丸如麻子

大每服三五十丸陳倉米飲下

前胡散 治小兒腹內痞結壯熱羸瘦多啼

前胡 川大黃 各三分 枳殼 炒微 赤茯苓

犀角 屑 郁李仁 湯浸去 鼈甲 塗醋炙令黃去

右藥搗粗羅為散每服一錢以水一小盞煎至

五分去滓看兒大小分減溫服微利為度

甘遂破結散

甘遂 煨二錢半 青皮 浸去 黃芩 川大黃 細判

半兩 右為粗末每服一錢水一小盞煎至六分

去滓溫和服量兒大小加減得通利則止後以冷

粥補之

進食丸 治乳食不消心腹脹滿壯熱喘粗嘔吐痰

逆腹鳴泄瀉米穀不化或下痢赤白腹痛後重及

食癥乳癰痞氣痞結並皆治之小兒胸膈熱實腹

內有留飲致令榮衛痞塞藏府之氣不得宣通其

病腹內氣結脹滿或壯熱是凡有此疾當疎利大

便破結散氣

巴豆霜 二錢 當歸 米汁浸 硃砂 代赭石 醋

次七 枳殼 炒 木香 各半 麝香 少許 右為

末麴糊丸如麻子大一歲兒一丸溫米飲下更量

虛實加減食後服治食積發熱羸瘦肚大青筋疳

積肚疼嘔露

枳朮丸

白朮 四兩 枳實 二兩 右為末荷葉包煨爛飯

為丸桐子大每服四五十丸空心白滾湯下

枳實理中丸

枳實 十六片 茯苓 人參 白朮 乾薑 炮

甘草 炙各二兩 右為末煉蜜和丸如龍眼大每服一

丸熱湯化下連進二三服胸中豁然渴者加括蓐

根一兩自汗者加牡蠣二兩煨過下利亦加

快膈湯 理胸膈不快飲食少進亦能順氣和中消

導宿滯 人參 去蘆 青皮 去白 縮砂仁 烏藥 良薑

製 香附子 甘草 炙各 右為細末每一錢溫

鹽湯空心調服

參朮陷胸湯

人參 白朮 茯苓 半夏 橘紅 瓜蒌

全用細切 黃連 甘草 各五分 右用水一鍾半

生薑三片 棗一個 煎七分溫服

紫雙丸 治小兒身熱頭痛食飲不消腹中脹滿或

小腹絞痛大小便不利或重下數起

巴豆 去皮 麝核仁 十八錢 甘草 炙五 壯蠟

赤心 黃蠟 各八 甘遂 朱砂 各二 麥門冬

十錢 右八味以湯熟洗巴豆研新布絞去油別

擣甘草甘遂壯蠟麥門冬下篩訖研麝核仁令極

熟乃內散更擣二千杵藥燥不能相丸更入少蜜

足之半歲兒服如荏子一雙一歲二歲兒服如半

麻子一雙三四歲者服如麻子二九五六歲者服

如麻子大二九七歲八歲服如小豆二九丸歲十

歲微大於小豆二九常以雞鳴時服之至日出時

不下者投粥飲數合即下丸皆雙出也下甚者飲

以冷粥即止

青金丹 小兒諸積病悉主之

滑石 白丁香 羅過 天牛星 錢各二 青黛 羅過

二錢 輕粉 重二 水銀 銅錢 內錢 先以 便下 錢半 錢過

於拌和勻傾出 川巴豆 損者并華水浸一宿懸當

風處吹 乾爛研 右藥同拌合用軟飯為丸如小綠豆大

巴豆不出油依形證用湯使下傷寒後取積淡煎

葱湯吞下取痔蟲用牛肉炙汁下驚風肚中緊硬

面青黑金銀薄荷葱湯吞下

萬靈丸 主小兒諸積依形證用之

木香 黃連 蓬莪 各半 陳橘皮 青橘皮

各去瓢 檳榔 一錢半 重 右為末每七味一錢

用巴豆一粒去心膜用醋煮巴豆一枚煮藥令巴

豆紫色用杏仁一枚去皮尖燈火上煨留性二味

都研用醋麪糊為丸如小綠豆大每服五九七丸

十丸薄荷薑湯吞下

消積丸

丁香 九枚 縮砂仁 十二枚 烏梅肉 三個 巴豆

二枚 去皮 右為末細麪糊丸黍米大三歲以上

油心膜 三五丸以下三二丸溫水下無時

紫霜丸 消積聚

巴豆 去油 杏仁 去皮尖 各一個 代赭石 一錢 飛研

右為細末飯丸如粟米大每服三五丸至十丸煎

皂角仁湯下無時兒小者減之 真珠丸 取小兒虛中一切積聚驚涎宿食乳癖治

大小便澀滯瘵腹脹行滯氣

木香 白丁香真者 丁香未

白滑石錢末二 巴豆十四粒水浸 輕粉各半錢留

濕紙裹燒粟米飯丸麻子大一歲一丸八九歲以

上至十五歲服八丸炮皂子湯煎放冷下挾風熱

難動者先服涼藥一服乳癖者減丸數隔日臨卧

一服

消堅丸

治乳癖及下交嬭又治痰熱隔實取積

縮砂末 巴豆霜 輕粉各一錢 黃明膠末五錢

細墨少許 水銀沙子兩錢 右同研細末少入

麪糊為丸如麻子大倒流水下一歲兒服一丸食

後

白餅子

治小兒腹中有癖不食但乳飲是也

滑石 輕粉 半夏湯洗 南星各一錢 巴豆

二升煮水盡為度 右研勻巴豆後入眾藥以

糯米飯為丸如小綠豆大捏作餅子兒三歲以上

三五餅三歲以下一二餅葱白湯下臨卧服

萬靈丹

治小兒脾胃久不和挾積服溫熱藥皆不

效此藥神妙 肉桂 川黃連 蓬莖朮各一兩 肉豆蔻仁 檳

榔 陳橘皮去白 木香 丁香各半兩 以上搗

巴豆去心膜 杏仁雙炒去皮尖二件並燈 右同

再搗拌勻滴水丸黍米大每服未周歲一粒二三

歲二粒三四歲三粒五七歲五粒十歲以上七粒

用生薑湯放冷下乳食後久積或乳癖並宜常

服

剪紅丸

磨癖積殺諸蟲進飲食神效男女老幼皆

可服孕婦勿服 乾漆炒烟 紫芫花醋拌炒 巴豆七粒去皮膜

班蝥七枚去頭足翅炒 右為末醋糊丸梧桐

子大用紅紗包紅線縛定剪下每服一丸同後藥

服之

南木香 雷丸 三稜生 莪朮生 百部 貝

母 檳榔 大黃生各一兩 使君子肉四十九枚

牽牛生半斤取頭 右為細末用好皂角十挺搥

碎山茵陳一兩苦棟根皮二兩水四五碗砂鍋內

慢火煎至一小碗將前末搜為丸梧子大日乾小

兒粟米大每服二錢半重各隨後證改湯使引下

五更初服忌葷腥生硬油膩物 五色丸子 治小兒一切所傷疲涎壅塞胸膈不利

乳食不消變生癖積脇肋片硬按之疼痛及治一切急慢驚風發搐痰涎壅塞

青九子 青黛別研 南星薑製各半兩 巴霜半錢

紅九子 硃砂水飛 半夏薑製各半兩 巴霜半錢

黃九子 大黃煨 鬱金各半兩 巴霜半錢

白九子 白附子生 寒水石煨各半兩 巴霜半錢

黑九子 五靈脂炒 全蠍炒各半兩 巴霜半錢

右前五色藥各另研為細末入巴霜半錢同勻麩

糊丸粟米大一歲服五丸乳汁送下量大小加

減或薑湯下急驚金銀薄荷湯慢驚生薑全蠍

湯

下積丸 治乳食傷積心腹脹滿氣粗壯熱或瀉或

嘔

丁香二十粒 縮砂仁二十粒 使君子肉五枚 烏

梅 巴豆肉各三枚 右為末爛飯丸麻子大每

服三圓陳皮湯下

五珍丸 治酒食積通用

青皮 乾薑性煨存 蓬朮 五靈脂各一兩 巴豆

肉去半油 右為末細粳米飯圓麻子大每服三

五丸米湯下

局方進食丸 治乳食不化心胸脹滿疳積肚疼

木香地 枳殼炒去白 當歸代赭石各五錢 砂另研 巴豆去油膜 麩香另研 右為細末

麩糊丸如黍米大一歲二丸量兒大小加減米飲

送下

六聖丸 治諸積和胃大能主氣厚腸消疳快膈

莪朮炮剉 淨黃連 陳皮去白 白薑地各錢

南木香二錢 右除木香不見火餘四味剉焙同

木香為末每一錢重巴豆三粒去殼膜心存油碎

切入乳鉢細研同前藥再研勻醋煮麩糊丸麻仁

大每服十五粒至二十五粒或三十五粒五更空

心淡薑湯下利三五行勻氣散止補常服助脾化

積進食消疳臨睡以淨湯或湯酒下三粒及五粒

每次止丸藥末三錢淨巴豆九粒為則並不可多

合久則味散

烏犀丸 主諸積滯夾驚夾風溫胃調脾消進飲食

吐逆醋醖氣面黃肌瘦不拘孩兒生後歲月遠近

宜可投

烏犀即皂角剉三寸長環灰火中見青烟起為

硫黃度取出地上五盞蓋定存性冷用七錢 陳皮去白 川烏各五錢

巴豆去殼膜心存

右先研硫黃細除巴豆外

餘四味同培為末却薄切巴豆細研同前五味藥

末杵勻用粳米飯包作一大粽子小瓦瓶盛水熟

煮候冷取出沙鉢內爛杵細布兜緊絞出如稠糊

安在別器內以藥末停分同杵細軟丸粟粒大取

諸積每服十五丸或二十一丸至三十三丸並用淡

薑湯泡冷飯取汁小盞五更初空心送下通利三

五行以勻氣散止補治積吐有醋醱氣每服三丸

至五丸用淡薑湯入米醋少許候溫空心下

水晶丹 治驚積食積蟲積腹脹煩啼心惡食減面

黃並宜通利此藥有頑積驚重風緊涎多熱極乃

可服非常之劑及急驚後風痰未盡免生癰疾宜

再投

南星剉作小塊 半夏湯泡去滑 滑石四錢

輕粉湯煮少時 淨蕪荑片二百 巴豆五十粒去殼湯

時晒乾兩半水煮少 右前三味焙為末拌和輕粉

外蕪荑巴豆同碎切在乳鉢內細杵入前藥末再

拌勻如烏犀丸內製糊丸麻仁大每服十五丸至

二十五丸或三十五丸糯米湯泡葱白取汁一小盞五更初空心下通利三五行進勻氣散調補下

風痰淡薑湯空心服

聖餅子 取一切積及虛中積下風涎藥取病甚穩

全不搜攪

輕粉粉霜各四 石燕子大者二枚 延胡索

大者二十 右四味同研勻滴水先為細末和丸如大棗子

大仍放陰乾每服一餅先用熱水浸軟冷漿水調

下臨臥更深服後急漱口此藥只取積滯並不損

氣更臨時加減若小驚積則每料更入硃砂生龍

腦各一錢重小兒一餅作四服或便捏成小餅子

追魂散 治果子傷積

白丁香 輕粉 官桂去粗皮 右為末冷水調

下半錢睡時服來日取下所傷物用異功散煎紫

蘇木瓜湯調三服

沈香檳榔丸 和脾助胃進食清神寬胸快膈順氣

調中悅顏色壯筋骨理面帶痿黃肌膚瘦弱過食

生起菓停之寒在裏乳癖腹脹作疼及吐利瘡腫

瘡後諸疳蟲積

沈香 檳榔 檀香 南木香 丁香 三稜炮

神麴炒 莪朮炮 麥芽洗炒 厚朴 蒼朮炮

心米泔浸 使君肉炮乾 青皮 陳皮各去

縮砂仁 益智仁 薑汁炙 淨香附 枳殼 穰

良薑 製各 甘草 兩半 右除前五味不

見火餘十五味對焙仍同沈香等為末水煮麩糊

丸麻仁大每服三十丸至五十丸溫米湯送下無

時兒小不能吞嚥煉蜜丸如芡實大每以一九至

二丸溫湯化服

蓬朮丸 治乳食不化心腹脹滿一切所傷

三稜 莪朮 並煨 淨陳皮 淨香附 炒 蘿蔔

子 炒各 砂仁 淨青皮 淨枳殼 炒 胡黃

連 蘆薈 錢各三 胡椒 半二錢 右細末糊丸黃米

大每三十丸加至四五十丸溫米飲下日三二服

忌生冷硬物

京三稜散 治乳癖結實或有滯惡停積不化令兒

日漸羸瘦面色痿黃春夏多發不欲乳食

京三稜 川大黃 微炒 檳榔 鼈甲 赤茯苓

各半 枳殼 二錢半 右搗羅為散每服一錢

水一小盞煎至五分去滓分為二服日三四服逐

下惡物為度

三稜散 治小兒乳癖結實不瘥 京三稜 炮剉 赤茯苓 當歸 洗培 鼈甲 醋炙黃 去泥各

枳殼 穰 木香 白朮 兩半 右搗羅細

末每服一錢水一盞入生薑七片煎至五分去滓

放溫時時與服

化癖丸 治乳癖結塊久不消化諸藥無效

巴豆霜 半兩 膩粉 硃砂 錢各一 黃鷹糞 半二錢

礪砂 雄雀糞 各一 右研如粉用糯米飯和

丸如黍米大一歲兒每服空心煎皂莢仁湯下二

丸取下惡物為度

丁香化癖散 治乳癖 白丁香 蜜陀僧 硫黃 二錢 上各 礪砂 五分

輕粉 少許 右研細末每一歲兒服五分男病女

乳調女病男乳調出下黑糞為度後用通膈丸泄

之

青礪石丸 治證同前

硫黃 三錢 青礪石 五靈脂 鍋底墨 錢各一

白丁香 一錢 右為末米飯丸綠豆大捻餅子每

服二十餅溫水下

銀白散 生胃氣取下後宜服此方

人參 茯苓 甘草 炙 白朮 炒 麩 白扁豆 皮去

藿香葉 右各等分末一錢紫蘇湯調下

張氏方 治小兒乳癖

芫花

一兩 三日淨洗

大黃

半兩 右為末入蒜一片

同藥末研勻男左女右用藥塗在乳母手心熨擦癖上如聞得患人口中出藥氣即時取去立效

董氏方

治小兒乳癖極效

紫河車

二兩

寒食麴

三兩 右同為細末每用

一匙許水調塗足心病在左塗左病在右塗右塗於紅帛上縛之良久其病大便中下

又方

紫河車

人參各等

右為末用好醋調拍成

餅子如大錢大如左畔有癖者藥貼左畔脚心用

緋帛扎乾後見效左右一般使藥

快膈消食丸

砂仁

淨陳皮

三稜

莪朮

神麴

麥蘖各

雨

淨香附子

另炒

右為末糊丸如麻子大食

後白湯下看輕重却用下積藥一方加製枳殼

紫金丸

治大人小兒因驚積聚黏滑毒物在脾胃

累曾用藥取不下變成虛中積大人喫食吐逆心

腹脹滿夜有虛汗日漸瘦惡用薑棗湯下七丸婦

人血氣米飲下五丸至七丸小兒驚積體熱困重

目不開用黃連甘草桃仁薄荷湯化膩粉一字許

下一歲上三歲下三丸小兒只可一丸二丸

蠍梢

三七

犀角末

銀末

硃砂

各一 右研

極細末用水麴糊為丸綠豆大依前湯使

軟金丸

治驚疳下積聚

青黛

膩粉

胡黃連

麝香

各二 寒食麴

三

使君子

三個

天漿子

三七

右七味研勻滴

水丸梧桐子大每服一丸用金銀薄荷湯化下

桃紅散

治小兒驚積疳積常服進食面如桃花

馬牙硝

硃砂

茯苓

人參

各等

右為末二

歲服二字一歲一字三歲亦二字四五歲三字新

汲水入少蜜調下蜜水約盞內三分許

靈砂丹

下虛中積藏府虛滑泄瀉久經取轉裏急

後重久積惡痢暴瀉久不止神效

通明礪砂

一錢

顰塊辰砂

通明有牆壁者

右

二味研極細用黃蠟半兩先於盞內溶化入去皮

全巴豆三七粒煎候巴豆紫色為度流豆出細研

入前二味再研勻於黃蠟內三分取一再溶成汁

傾藥入內急攪令勻刮入磁盒收之每服暴瀉惡痢旋服三丸如綠豆大濃煎艾湯先呷三五口然

後吞下。水瀉冷水吞下。如取積。每服三丸。如梧桐子大。濃煎甘草湯。放冷吞下。臨卧服。其久積。藥隨積下。

小沈香丸 和中順氣進食消痰

砂仁 蓬朮 各四錢 香附子 去毛炒一兩 舶上丁

香皮 二錢 沈香 六錢 甘松 去土三錢 益智仁

微炒一兩 甘草 炙一兩 右為細末湯浸蒸餅丸

如梧桐子大每服三十或四十丸食後溫薑湯下

或嚼破更妙

妙香丸 治小兒虛中積潮發寒熱心腹脹滿疼痛

辰砂 一兩 牛黃 生龍腦 麝香 各二錢 金珀

十四片 粉霜 膩粉 各一錢 黃蠟 二兩 巴豆 肥者

十粒 右丸如彈子大量虛實加減龍腦漿水

下夜半後服藏虛即以龍腦米飲下每服三丸如

小豆大欲藥勢緩即按令扁疾堅者加至十丸皆

以針刺作數孔以行藥力小兒取積丸如綠豆治

少飲子 治小兒自下後得寒熱血結成癖氣在左

脇下或寒飲或冷食積聚氣動胸心留熱不下食

飲間瘦宜先服此下食後服紫雙丸去宿積

柴胡 茯苓 人參 白朮 鼈甲 醋塗炙香 右切如豆大水二升煮五合空心分溫三四服相

去如人行一二里再服食粥將息

充悅圓 治小兒胎中宿熱母飲食粗惡辛苦乳汁

不起兒乳哺不為肌膚心腹痞滿萎黃瘦瘠四肢

痿雙繚戾服之可令充悅

芍藥 柴胡 各二兩 大黃 人參 各一兩 乾薑 炙

以枳實代 甘草 各半 鼈甲 茯苓 各半 右八味

為末蜜丸如大豆服一丸一歲以上乳服三丸七

歲兒服十九日二

牛黃圓 治小兒宿乳不消腹痛驚啼

真牛黃 三銖 附子 二枚 真珠 巴豆霜 杏

仁 各一兩 右五味搗附子真珠為末下篩別搗巴

豆杏仁令如泥內藥及牛黃搗一千二百杵藥成

若乾入少蜜足之百日兒服如粟米一丸三歲兒

服如麻子一丸五六歲兒服如胡豆一丸日二先

乳哺後服此脇上下悉當微轉藥完出者病愈散

出者更服以藥完出為度 芒硝紫圓 治小兒宿食癖氣痰飲往來寒熱不欲

芒硝 大黃各四兩 半夏 甘遂各二兩 代赭一兩

巴豆二枚 杏仁一百二枚 右七味為末別擣

巴豆杏仁治如膏旋內藥末擣三千杵令相和合

強者內少蜜百日兒服如胡豆一丸過百日至一

歲服二丸隨兒大小以意節度當候兒大便中藥

出為愈若不出更服如初

八歲湯治八歲已上兒熱結痰實不能食自下

白芍藥 梔子仁 知母 生大黃各二兩 柴胡

二兩 升麻 黃芩 黃連各二兩 竹葉切半

桔梗半兩 細辛五銖 右十一味以水六

升煮取一升八合去滓分四服十歲兒為三服一

方有枳實杏仁各一兩半無桔梗黃連

十五歲湯治小兒十五已下熱結多痰飲食減

大黃 柴胡 黃芩各三兩 枳實一兩十銖 川升

麻 赤芍藥 知母 梔子仁各二兩 生薑十八銖

杏仁二兩 竹葉切半 右十一味以水

六升半煮取二升十歲至十五歲者分三服

牛黃鼈甲圓 治小兒癰實壯熱食不消化中惡忤

氣 牛黃 厚朴 桂心 芍藥 乾薑各半兩 茯苓

麥麴 柴胡 大黃 鼈甲 枳實 芫蕒各一兩

右十二味為末如小豆大日三服以意量之

芫花圓 治小兒心下痞痰癖結聚腹大脹滿身體

壯熱不欲哺乳

芫花 黃芩各一兩 大黃 雄黃各二兩 右四味

為末蜜和更擣一千杵三歲兒至一歲以下服如

粟米一丸欲服丸內兒喉中令母與乳若長服消

病者當以意消息與服之與乳哺相避

真珠圓 治小兒痰實結聚宿癖羸露不能飲食

真珠半兩 麥門冬一兩 麴核仁二兩 巴豆

四十枚 右四味為末蜜丸期歲兒服二丸如小豆

大二百日兒服如麻子二丸漸增以知為度當下

赤黃白黑葵汁勿絕藥病盡下自止久服使小兒

肥白

鼈甲圓 治少小腹中結堅脅下有疹手足煩熱

鼈甲 芍藥 大黃各三銖 茯苓 柴胡 乾薑

各二十銖 桂心六銖 麋蟲炙 蟻蠶各二枚

右九味為末蜜和服如梧子七丸漸漸加之以知

為度 鼈頭圓 治小兒痞氣脅下腹中有積聚堅痛